

Nr 4, novemer 2012, årgang 1

Kyrkje og kultur i Sirdal



Til Sirdal frå
Bolivia og Volda

side 4-5

Arrangement i
adventstida

side 6-7

Kultursider
side 18-23

Andakt

Krossmerket

Vi liker å kjenne at vi hører heime ein stad og saman med nokon. Ja, det er noko grunnleggande som ligg i oss heilt frå skapinga, vi er skapte til fellesskap. Til fellesskap med Gud og med andre menneske. Vi gjer mykje for å vise kor vi ønskjer å høyre til; vi bruker ofte klede, bilar, interesser, hus osv. for å vise kven vi er og kven vi hører saman med. Vi ønskjer frå vi er ganske små å markere

”...vi er knytta til Gud og til kyrkjelyden med eit krossmerke.”

kor vi hører til. Då vi var bitte små, blei mange av oss merka, vi fekk ein stad vi hører til. På gudstenesta søndag 14. okt, blei tre små barn merka «Eg teiknar

deg med det heilage krossmerket...» blei det sagt, og det blei teikna ein kross over det vesle barnet. I dåpen blei vi merka, vi fekk eit krossmerke teikna over oss som viser kor vi hører til. Gud merkar oss. Dei koptiske kristne i Egypt har tatovert ein liten kross på innsida av handleddet. Når dei helsar på folk, viser dei óg kor dei hører til, i den store verdsvide kyrkja. Vi ber ikkje eit synleg merke, men vi er knytta til Gud og til kyrkjelyden med eit krossmerke.

Med dette merket går vi ut i verda. Vi ber med oss eit merke som viser kor vi hører heime; hos Gud og i den store kyrkjefamilien som strekk seg langt ut- over landegrensene like til verdas ende.

Lillian Flydal

Adventstid

Hektisk aktivitet og stress, eller omsorg, ro og ettertanke?

Advent, jul og nyttår ligg no framfor oss. Innhaldet i denne utgåva av bladet vårt er prega av det. Vi har mange fine opplevingar, konserter, lysmesser og gudstenester, å sjå fram til. Ta dei med deg!

Det har på mange måtar blitt ei hektisk tid i heile samfunnet vårt. Det er så mykje ein skal leva opp til. Mistar vi det viktigaste?

Advent, jul og nyttår – forventning, glede, status og tankar om framtida. Kjøpepress, ting, ting, ting, meir, meir, meir. Desember har blitt glansmånaden for handelsnæringa. I det vesle landet Butan i Himalaya, som er prega av buddhistisk religion, har dei innført eit nytt omgrep: ”brutto nasjonal lukke”.



Det kan vera ei påminning for oss som kristne. Kristus kom og forkynnte kjærleik, omsorg og gjevarglede, ikkje eit stadig aukande brutto nasjonalprodukt, ikkje eit stadig aukande personleg forbruk – det er ikkje det som gjev lukke.

Kan vi, midt oppi alle førebuingane, ha fokus på det viktigaste i denne tida: Gud kjem til oss, gjev seg sjølv for oss og ber oss syna kjærleik og omsorg for kvarandre.

Den som sparsamt sår, skal og hausta sparsamt, og den som sår med velsigning, skal og hausta med velsigning. Kvar må gje det han har bestemt seg for i sitt eige hjarte, ikkje med ulyst eller av tvang. For Gud elsker ein glad gjevar. (2.Kor.6-7)

Med ønske om ei god adventstid, ei god julehøgtid og eit godt nytt år!

Lars Audun Fodstad

Kyrkje og kultur i Sirdal: nr 4/2012

Utgjevar:

Sirdal kyrkjelyd i samarbeid med Sirdal kommune, eining for kultur og fritid.

Fire utgåver pr år.

Redaksjon:

Lars Audun Fodstad, Solbjørg Tjørhom, Sven-Egil Testad og Per Øistein Rogstad. Noahs ark-sidene: Ragnhild Maria Sandvik og Inger Solveig Høyland.

Kultursidene: Eining for kultur og fritid.

Abonnement

Bladet blir sendt gratis til alle husstandar i Sirdal. Utanom Sirdal er det mogleg å tinga bladet for kr 150 pr år.

Kontaktinformasjon for abonnement og støtteannonser:

Postboks 133, 4441 Tonstad
Tlf 38371600, e-post: post@sirdal.kyrkja.no

Framsidedfoto: Frank Haughom

Trykk: Birkeland Trykkeri

Miljøtipset:

Grøne julegåvetips



Foto: www.fotoakuten.se

Det er tanken som tel, vert det sagt. Men, det er neimen ikkje enkelt å tenkje seg fram til gode idéar når folk alt har det dei treng - og vel så det. Her er nokre grønne julegåvetips som kan hjelpe fantasien i gong.

Lag noko sjølv: Strikke, snekre, safte, sylte, sy, måle, komponere... Få inspirasjon ved å delta på redesignkvelden som er annonsert til høgre på denne sida. Gje bort ting du ikkje nyttar: Pianoet? Eggekokaren? Kanskje storebror vil gje kassa med duplo til lillesøster? Gje bort gode minne. Lag eit fotoalbum eller ein kalender. Ram inn eit bilete av deg sjølv eller borna dine.

Gje bort billetter til konsert, kino, teater osv.

Klippekort på tenester: Klippe plenen, vaske vindaug, sitte barnevakt, fotmasasje osv.

Kjøp brukte gåver. Gå på skattejakt på loppemarknad, i bruktbutikk og antikvariat eller på finn.no.

Design dine egne gavekort på gavekort.framtiden.no.

Gje bort ein telttur, snøhuletur, hytte-til-hyttetur, fisketur, togtur til Oslo, eller liknande.

Gje ein donasjon til ein misjonsorganisasjon, Kirkens nødhjelp eller andre ideelle føremål.

Sven Sandvik

Re-designkveld på Tonstad

Har du gamle bukser, dukar, dynetrekk eller anna liggjande? På onsdag 28. november kl 19 blir det inspirasjonskveld innan redesign i Kyrkjestova ved Tonstad kyrkje. Me syr enkle hjarte, poser og vesker, og delar idear for å sy om klede. Om du har idear, symaskin og ei god saks, ta det gjerne med til ei ko-seleg kveldstund. Torill Husum Tjørhom og Inger Johanne Ousdal er ansvarleg for kvelden.

Byttedag for vintersportsutstyr

Laurdag 10. november kl 10-14 blir det kjøp, sal og bytte av sportsutstyr på Kulturhuset. Dette er i regi av FAU ved Tonstad skule. Dette er primært for elevane ved Tonstad og Sinnes skular. Dei som har noko å selje får tildelt bord. Alle er velkomne til å kjøpe utstyr. Det blir sal av kaffi og kaker til inntekt for Polen-tur. Dette er eit flott tiltak, som vi oppfordrar folk til å støtte opp om.

Fairtrade kaffe



Fairtrade-systemet ble opprettet i 1988 for å verne kaffebønder mot de kraftig svingende internasjonale råvareprisene.

Med Fairtrade-

kontrakter og Fairtrade-premium vet bøndene hva de kommer til å få i betaling for kaffen neste måned og at de kommer til å ha en inntekt neste år - noe som gjør det lettere å planlegge fremtiden.

Til Sirdal frå Bolivia og Volda

- Der et dei berre fisk, det er mørkt heile tida og nordmenn likar ikkje folk med mørk hud, var mellom åtvaringane som David Garnica fekk av sine kameratar før han gifta seg med Anne Turid Solberg og flytta til Noreg og Sirdal. Nå har han budd her i

14 år og trivst godt.

Eg er på besøk hos Anne Turid og David Garnica i "Bekkjedalen". Det er snart to år sidan dei flytta inn i det nye huset. Det er så lyst og lett inne, og utsikten utover Sirdalsvatnet er så flott som ein kan ynskja.

Me pratar om så mangt, og David fortel litt om heimlandet sitt, Bolivia. Landet har fått namnet etter fridomskjemparen Simón Bolívar, gjerne kalla "Sør-Amerikas far". Bolivia er tre gonger så stort som Noreg, og har om lag 10 mill innbyggjarar.

Landet vart sjølvstendig i 1825, og na-



Kyrkje og kultur i Sirdal 4

sjonaldagen er 6. august. Det er faktisk ennå ukjende område i Amason-jungelen med folkegrupper som ikkje er registrerte.

Første møte med snø

David kjem frå Tarija, ein by i den sørlege delen nær grensa mot Argentina. Her sør er det ikkje snø, det hadde han berre sett på TV og film, så han var heilt fasinert då han vakna ein novembermorgon i 98 på Tonstad, og såg den fyrste snøen liggja som eit kvitt teppe over landskapet!

Bolivia er eit katolsk land. David sin familie er baptistar, og han har vore aktiv i kyrkjelydsarbeid heile livet.

Telefonmontør og linjebyggjar

David flytta til Sucre, som er den eigentlege hovudstaden, medan regjeringa held til i La Paz, som feilaktig av oss blir rekna som hovudstad i Bolivia. Her i Sucre arbeidde han som telefonmontør og linjebyggjar. I Bolivia er dette ein farleg jobb, noko David opplevde. Telefon- og straumleidningar går gjerne i same stolpane, og dei er dårleg merka. David vart hengande fast i ein straumleidning medan han stod i ein stige 6-7 meter over



bakken. Han klarte å hoppa ut av stigen, og sleit seg laus. Heldigvis fekk han tak att i stigen før han nådde bakken!

Møttest i Sucre

I Sucre møtte han Anne Turid Solberg. Eg hugsar sjølv godt då ho i 1991 som nyutdanna lærar kom frå Volda, og hit til Sirdal. Ho arbeidde som lærar på Tonstad Skule i fire år, så vart ho kalla til lærar på ein norsk skule i Bolivia, med status som misjonær. Opphaldet varte til 1998. Dei var då gifte, og i juli same året, kom dei begge til Tonstad.

"Der et dei berre fisk"

David sine kameratar åtvara han mot å reisa til Noreg. Dei sa. "Der et dei berre fisk, det er mørkt heile tida, og nord-



menn likar ikkje folk med mørk hud!" Li-kevel tok han sjansen, og han sa at motta-kinga var langt betre enn åtvaringane skulle tilseia. Han fekk jobb ganske fort på Sirdal Vidaregåande Skule. Her lika han seg frå fyrste dagen, og kan ikkje få skryta nok av det gode arbeidsmiljøet!

Undra seg over tilliten

Han tykte språket var vanskelegare enn venta, men han prøvde alltid å ta kontakt. Han ville ikkje setta seg til inne, som han sa, for møte med menneske er så viktig. David har undra seg over tilliten som rår

mellom folk. Ei motorsag, eller anna reiskap som blir gløymt ute, får gjerne stå der. I Bolivia ville det truleg vore borte om morgonen.

David saknar motorsykkelen, sidan han dreiv med motorcross i heimlandet. Det blei ikkje så mykje konkurranse, men han klarte å slå læraren sin, seier han med ein liten smil.

Ressurs for bygda

David spelar gitar, og er aktiv i ei gruppe som har samlingar mellom anna på Sirdalsheimen, og har faste

møte på Omlid. Både Anne Turid og David er aktive i arbeidet i kyrkje og på be-dehus. Dei er dyktige medarbeidarar, og er ein stor ressurs for bygda.

Så var det kveld, eg takka for meg, og kjende at eg var glad for denne ettermid-dagen saman med to flotte menneske.

Sven-Egil Testad.

Konsertar og kulturarrangement før jul

Fram mot jul er det planlagt mange flotte kulturarrangement og konsertar i kyrkjene. Først ut er Bodil Arnesen og Paul André Grinderud.

Onsdag 21.november kl.19.00 er det konsert i Tonstad kyrkje med sopran Bodil Arnesen og forfattar Paal André Grinderud. Tema er takksemd og aktørane skriv: « Takknemlighet er sann glede satt ut i praktisk handling. Takknem-

lighet fører oss mot lyset inne i oss.» Bodil Arnesen er ein av Noregs mest spennande sopraner, og har vunne mange prisar. Ho har eit omfangsrikt repertoar som spanner frå tidleg 1500-tals musikk til moderne elektronisk poprock. På konserten vil me mellom anna få høyre Vel-signelsen (kjent frå NRK P1), O mio babbino caro og You'll never walk alone. Paal André Grinderud er forfattar og foredragshaldar, og vart kjend hausten 1991 då han på NRK fortalde om sin oppvekst med ei alkoholisert mor. Grinderud har skrive sju bøker og er ei tydeleg røyst



Bodil Arnesen, bilete over og Paal André Grinderud til høyre er i Tonstad kyrkje 21. november.

i samfunnsdebatten omkring barn sine oppvekstvilkår. Konserten varer om lag 2 timar, og det vil vere mogleg å få kjøpt den siste cd'en til Arnesen og den nyaste boka til Grinderud i pausen. Fri entré.



Torstein Sødal, Maria Arredondo og Kim André Rysstad, syng i Tonstad kyrkje 13. desember, saman med Sirdal Blandakor og Revelation.

Sundag 2.desember kl.17.00 er det adventssamling i Tonstad kyrkje. Det vert servering av gløgg og pepperkaker på Eliastunet frå kl.16, korpset spelar og ordføreren tenner julegrana. I kyrkja blir Tonstad barnekor, Cantarellene og Sirdal Blandakor i tillegg til korpset.

Tysdag 4.desember kl.18.00 er det adventssamling i Kvævemoen kapell. Konfirmantane, elevar frå SMoK, Sirdal Blandakor og korpset deltek. Ordføreren tenner julegrana kl.17.30, og

etter samlinga i kapellet vert det servering av graut på Fjellmuseet.

Torsdag 13.desember kl.19.00 er det konsert i Tonstad kyrkje med Kim André Rysstad, Maria Arredondo, Torstein Sødal, Sirdal Blandakor og Revelation. Konserten vert kalla «Sørlandets egen julekonsert» og alle artistane har tilknytning til landsdelen. Både O helga natt, Mitt hjerte alltid vanker og Deilig er jorden står på programmet denne kvelden.

Billetter: 295,-(ordinær)/200,- (barn).

Forhåndssalg av billetter på

www.sirdal.kommune.no

«Vi synger julen inn», torsdag 20.desember kl.19.30 i Tonstad kyrkje. Alle er velkomne til å vere med å synge dei kjente og kjære julesongane. Sirdal Blandakor og elevar frå SMoK deltek.

Ragnhild Maria Sandvik

Lagsleir på Evje



Fem Sirdalsjenter og ein voksenleiar var på skulelagsleir på Evjetun 12.-14. oktober.

Fredag 12.oktober fylte eg opp bilen med fem jenter (og bagasjen til fem jenter...) og kjørte til Evje. Her skulle me på Evjeleiren som Laget (Noregs kristelige student- og skuleungdomslag) arrangerer. Her møtte me fleire flotte leiarar og ein ungdomsgjeng frå Farsund. Me hadde ei flott helg i lag.

På laurdagen kunne me velja aktivitetar. To av jentene valte fart og spenning i Go-cart bana i lag med ein gutegjeng, medan to vart med meg i Klatreskogen. Her var duka for spennande utfordringar. I

Kyrkje og kultur i Sirdal 8

tre timar svedde med rundt opp i tretoppene. Me fekk kurs i å sikra oss sjølve, og vart sendt ut i løypa. O glede stor! Fire gonger måtte me kryssa elva Otra hengande i ei zip-line. Me kosa oss.

Elles hadde me fleire samlingar der me lærte meir om kristen tru og hørte frå bibelen, me hadde misjonstorg med ansiktsmaling, massasje og anna moro. På laurdagskvelden tok underhaldninga heilt av, og jentene frå Tonstad fekk både leiarar og deltakarar til å springa som gale i gangane for å vinna henteleken. Mest alle jentene sov heile vegen heim att på sundag,



godt utsletne og nøgde. Takk for ei flott helg jenter!

Inger Solveig

Gardsnamn i Sirdal: Oftedal



Folk frå Sirdal som har nokre år på nakken seier ikkje Oftedal, men Optedal. Dette samsvarer godt med den eldste skrivemåten som var Optedall.

Første del av namnet kjem truleg frå det gamle norske namnet på svane, som var olptr. Truleg var det elva som først blei oppkalla etter den kvite fuglen med dei svære vengene. Når elva er flaumstor kan fossen høgt oppe i dalsida godt minna om ein svaneveng.

Heilt opp mot vårt århundre var det svært vanleg at alle gardar hadde sin

heilage plass eller stein som dei ofra til, og som skulle verja dei i naud. På Oftedal heitte steinen «Granne». Om denne heiter det:

«Kver heve sine guda.
Åptedal sinn
Granne i garen.
Gje Granne sitt,
så vakta han deg å ditt»

Steinar Tjomlid

(Foto: Sven-Egil Testad)

Laurdagar på Kvævemoen

Laurdag blir gudstenestedag på Kvævemoen og kyrkjekaffi blir "kyrkjetaco". Frå nyttår vil prøve med nokre i laurdagar kl.17.00, dersom biskopen godkjenner dette som ei prøveordning. Gudstenestene vil ha familiepreg med særleg tanke på barna. Frå før er det gode røynsler med å ha gudstenestene på Kvæven om ettermiddagen. Vi vonar at laurdag ettermiddag kan bli enno betre tidspunkt å samlast på. Då kan ein og ha eit måltid etterpå, taco eller annan laurdagsmat. Det er triveleg for store og små å ete i lag og det kan vere praktisk for den som har små barn. Tanken er at det skal gå på omgang å ordne med måltidet og at det kan bli mange som deler på dette. Det er kanskje uvant å bytte ut søndag som gudstenestedag med laurdag ettermiddag. Men laurdag ettermiddag er frå gammalt av inngangen til helga. Men viktigast er det å finne tidspunkt som passar for flest mogeleg. Vi veit at det vil passe for hytteturistar. Men vi vonar og at det vil passe for den som bor i Øvre Sirdal.





Noahs ark



Hei!

No er det haust ute.
Hutrete og kaldt nokre dagar, klart og flott andre dagar. Du har sikkert funne fram ullstilongs, og vintersko.

Snart vert det enno kaldare, og mørkare. Og medan det er på det mørkaste og kaldaste, og snøen byrjar å dala, feirar vi den viktigaste bursdagen av alle. Kan du gjette kven sin bursdag det er? Det er Jesus sin bursdag, og den feirar vi på julaften.

Denne bursdagen feirar menneske over heile verda. I Noreg feirar vi med å gje kvarandre gåver. Vi feirar at Gud sende sin son til jorda, og tenk at Jesus, kongane sin konge, vart fødd i ein stall. Jesus er verda sitt lys, verkeleg eit lyspunkt i den mørke vinteren!



Inger Solveig og Ragnhild Maria

I år som i fjor kjem Cantarellene til å gå Lucia på rådhuset den 13. desember ca kl.14. Me håpar mange vil få med seg denne stemningsfulle hendinga!

Laurdag 17. november er det Barnas Dag på kulturhuset...

Tonstad barnekor, Cantarellene og Vardeneset barnekor m/ band har konsert i kinosalen kl.15. Andreas Høyland skal fortelje om Noahs ark. Det vert sal av mat, ansiktsmaling, hoppeslott og andre aktivitetar i idrettshallen. Alle er hjarteleg velkomne!



Barn i Guds tid




...og søndag 18. november framfører kora "Barn i Guds tid" i Tonstad kyrkje kl.11.

"Barn i Guds tid" er ei nattverdmesse skriven av Johan Varen Ugland og Eivind Skeie. Flotte melodiar og fine tekstar. Ei gudsteneste det er vel verd å få med seg!

Agentutfordring:

Kor mange gonger seier du takk i løpet av ein dag?



Julevandring med Tonstad og Tjørhom barnehage

Når adventstida kjem er det tid for julevandring i Tonstad kyrkje og Kvævemoen kapell for dei eldste borna i Tonstad og Tjørhom barnehage.

Her vert borna skrivne inn i manntal og vandrar saman fram til stallen der Jesusbarnet blei født. Alle får roller undervegs, både borna og dei vaksne.

I fjor tok me desse flotte bileta og me gler oss til å møta dei som vert med i år.



Speleengelen spiller på orgelet. Borna fekk sjå korleis orgelet i Kvævemoen kapell virkar, og det likte dei godt.



Misjonsprosjekt i Midt-Austen

oppvaksen på Tonstad, reiser i desember for å arbeide ved ein disippeltreningsskule i Libanon som Ungdom i Oppdrag driv.

Laila skriv:

Når folk spør meg kva eg held på med, svarer eg av og til at eg skal ut på eventyr. Eg har nemleg gått eit halvt år på ein disippeltreningsskule (DTS) i regi av Ungdom i Oppdrag i Libanon, og ut frå dette har det oppstått eit heilt misjonsprosjekt. Eg skal få lov til å dra tilbake i desember – denne gongen som ein del av staben.

Bli betre kjend med Gud

Ungdom i Oppdrag sin visjon er å kjenna Gud og gjera han kjent. For det er lettare å gje vidare noko ein sjølv har teke imot. Det var for å få kvalitetstid i lag med

”Ungdom i Oppdrag sin visjon er å kjenna Gud og gjera han kjent.”

dårlig sjølvtilitt, utolmod, mistillit til Gud, sinne og kjensla av å vera avvist. Han viste meg at han er til å stola på, og han viste meg korleis han ser på meg: som ei kjær dotter og ei vakker brur. Ja, eg driv gjerne reklame for DTS



Bildetekst: Laila Larsen står som nr 2 frå venstre på ein kulturkveld i Libonen i april i år.

(disippeltreningsskule) generelt, og den i Libanon spesielt. Gud kan gjera det same for deg som han gjorde for meg, og ein DTS er ein god reiskap. Så er du mellom 18 og 60 kan dette vera noko for deg!

Gjera Gud kjent

Då eg var i Libanon fekk eg inntrykk av at Gud ville eg skulle dra til eit lukka muslimsk land og tena han der, og det har i grunnen berre blitt stadfesta. Gud brukar visjonar, draumar og TV for å nå dei som tørstar etter han der, men han sender også arbeidarar som dreg ut som teltmakarar: Vanlege menneske som får seg jobb og forkynner dei glade nyheiteane om Guds rike. Sidan eg er tospråkleg, kjem teltmakaryrket mitt til å vera tysk-lærer, då tysk er eit ettertrakta språk å læra for arabarar. I lukka land må ein vera veldig forsiktig med kven ein seier

kva til. Eitt feil ord, og ein blir utvist, eller det som verre er. Men eg har tiltru til at Gud opnar dei rette dørene for meg.

Vegen vidare

På grunn av dette har eg bedt og søkt Gud for å få svar på korleis eg kjem dit han sender meg, sidan eg treng masse førebuing: Eg må førebu meg på kulturen, eg treng erfaring i å leia arabarar i forholdet til Jesus, langtidstilpassing til regionen, og verktøy og trening generelt. I mellomtida vart eg invitert til å bli del av staben for neste DTS (2013), og etter ei tid i bøn og ettertanke følte eg at Gud gav klarsignal til å seia ja. DTS-en i Libanon er ein tospråkleg skule som tek imot utlendingar, men har som hovudmål å gjera arabarar til disiplar, slik at dei kan veksa i lag med Jesus og bli likare han. Dette vil gje meg erfaring i



å leia og trenar arabarar.

Førebud meg på tenesta
Etter å ha vore stab på DTS-en 2013 har eg planar om å delta på eit SOFM-kurs (School of Frontier Mission) i Libanon, også i regi av Ungdom i Oppdrag. Dette vil førebud meg på tenesta i det nye landet mitt, og eg vil få kontakt med arbeidarar som har vore i landet over lengre tid. Kurset er utarbeidd for å utrusta kristne til å leva og arbeida mellom folkeslag som har hatt lita eller inga høve til å høyra dei gode nyheitene om Jesus. Det består av tre månader undervisning og to år misjonsinnsats i eit eksisterande team. Undervisninga vil gje meg kunnskap og dugleik som eg treng for å gjera ein god jobb som misjonær i ein framand kultur.

*”Sidan eg er to-
språkleg, kjem
teltnakaryrket
mitt til å vera
tysklærer”*

Medarbeidarar

For å kunne reisa ut treng eg medarbeidarar her heime som vil be for meg. Ungdom i Oppdrag gjev ikkje løn til medarbeidarane sine, kvar enkelt må finansiera opphaldet sitt sjølv. Så eg har lyst til å invitera deg til å be over om du skal vera med og støtta nokon som reiser med Ungdom i Oppdrag. Det kan vera ein av dei arabiske DTS-studentane våre, som pga. ”den arabiske våren” slit økonomisk, meg eller andre som vil gå på DTS. Du kan støtta gjennom forbøn (be om opne dører, åndeleg og fysisk beskyttelse, tilpassing til kulturen, språklæring, at det ordnar seg med finansar osv.) og gjennom å gje ei pengegåve. Eg er takksam for all støtte. Gud velsigne deg!

Venleg helsing
Laila Larsen
www.lilleulv84.blogspot.com

Om Ungdom i Oppdrag

Ungdom i Oppdrag består av mennesker fra mange nasjoner og ulike kirkesamfunn, og er en del av den internasjonale evangeliserings- og misjonsbevegelsen ”Youth With A Mission” (YWAM).

YWAM har om lag 16 000 personer i heltidsengasjement fordelt over 180 ulike nasjoner og 800 lokaliteter / sentre. Vårt mål er tredelt. Vi ønsker å bidra til å fullføre misjonsbefalingen ved å presentere de gode nyhetene om frelse gjennom Jesus Kristus over hele verden, tilby undervisning gjennom vårt internasjonale universitet, University of the Nations, samt drive nødhjelp og utvikling blant fattige og trengende.

Vi ønsker å være et arbeidsredskap som lojalt kan samarbeide med alle evangeliske kirker og organisasjoner, og ønsker å bidra til større enhet blant kristne. Selv om vårt arbeid favner mennesker i alle aldre og livssituasjoner, tror vi Gud har gitt oss et særlig kall til å trene og sende ut ungdom. Vi tror unge mennesker representerer et stort potensiale i misjonens tjeneste.

Ungdom i Oppdrag er en ideell organisasjon, våre ledere og medarbeidere er selv ansvarlige for sitt økonomiske underhold. Organisasjonen har rundt 300 arbeidere, fordelt på ni sentre i Norge. For å være medarbeider, må du ha tatt en Disippeltreningsskole (DTS).

(Henta frå <http://www.ywam.no> nettstaden til Ungdom i Oppdrag.)

Takk til Ester Tjørhom

29. september hadde Ester Tjørhom sin siste offisielle teneste som kyrkjjetenar i Kvævemoen kapell. 16. september fekk ho gåve og takk frå leiar i Sirdal sokneråd Arnhild Bjørndal. Sidan 1992 har ho vore kyrkjjetenar i kapellet. Vi takkar ho for god og trufast teneste i 20 år. No blir ho pensjonist på fulltid, og vi håpar at vi framleis kan få lov å spørje ho om ei og anna teneste når det trengs.

PØR

Loppekomiteen på Tonstad Bedehus

Loppekomiteen på bedehuset vil takke alle som bidro til loppemarkedet i juni med lopper, auksjonsvarer, mat, arbeidskraft, penger og tid.

Det ble en flott dag og ca 35.000 kr ble resultatet. Det er lillesalen på bedehuset som nå står for tur til oppussing. Hjertelig takk!
Hilsen loppekomiteen

Julemesse Tjørhom Grendehus 22. -23.11

FREDAG

19:30 Kveldsmøte

Kransekakeotteri

Pizza.

Jon Arvid Bøckmann taler

Ulike sangkrefter

LØRDAG

12:00 Åpningsmøte

Salg av komper og mat,

Kaffi og brus

Åresalg

Aktiviteter for barna

16:00 Avslutningsmøte
Hovedtrekning

Arrangør:

Norsk Luthersk Misjonssamband

Førjulskos på Tonstad Bedehus

Vi samlas 1. desember kl 11.30. Vi serverer risgrøt og kaffi og kaker, og nylaga Potetkaker av Elfrida.

Hanne og Jonny Risvold har andakt. Dei fortel også frå Russland. Dei var på tur der i oktober/november. Sirdal har fått eigen leilegheit i barnebyen Vårsol. Der foreldre tek seg av heimlause barn og gjev dei ein heim.

Utlodning med fine gevinstar på bok. Lynutlodning av lefser og mange andre fine ting. Inntektene går til Hjelp til Russland. Du er velkommen

Inger Feed

Sirdal Håndlaft

Håndlafta hytter og anneks
Rehabilitering av gamle
bygninger og laft
Rehabilitering av skorstein/
pipe (foring)
Nye peiser og ovner
Salg av tretjære

Oftedal, 4440 Tonstad
mob 952 46 098 (Øyvind Moen)



E-post:
post@oftnb.no

Flekkefjord og Treland Begravelsesbyrå

Kenneth Trælandshei
Strandgt. 38
4400 Flekkefjord
Tlf. 38 32 22 27
Mobiltlf. 950 50 700

Byrået med erfaring
og lokale tradisjoner
Døgnvakt

SKRIFTHUGGER
kommer til kirkegårdene
hver vår

**Haughom, Tonstad, Lunde
og Kvævemoen**

*Navnetilføyelser, oppfriskning av
gravmonumenter, omslipinger
utføres på stedet*

Ring for info og bestilling snarest.
Johan Egeland, Kvinesdal
Tlf: 901 07 649



Lister
begravelsesbyrå

*Vi er alltid tilgjengelige
når dere trenger vår hjelp*

Tonstadvegen 105,
4436 Gyland

Vakttelefon
489 55 200

Eilif Sandvand Galdal
91880109

Oddvard Galdal
95974136

www.listerbegravelse.no



Nærbutikken, Tonstad



Tonstad Autosenter
Statoilservice, Tonstad
Åpent hver dag til kl 22.00

Tonstadv. 17, 4440 Tonstad.
38370142



Tonstad

Gratis Bilvask

Få vaskekort
Få hver 6. vask gratis
i vår nye vaskeautomat

4440 Tonstad
Tlf 383 70048

Takk til våre støtteannonsører

Coop Marked Tonstad
Tonstadv 27, 4440 Tonstad,
tlf 38370123
E-post: tonstad@marked.coop.no

Fjellbutikken AS
Suleskard, 4443 Tjørhom, 38370010
E-post: fjellbutikken@ngbutikk.net

Fokus Næringssselskap
E-post: post@fokus.naeringssselskap.no
Web: www.fokus.naeringssselskap.no

GP Tjørhom
Svartevatn, 4443 Tjørhom, 38371241
E-post: joker.sinnes@ngbutikk.net

Sageneset feriesenter a/s
Nesset, 4443 Tjørhom, tlf 38371300
E-post: feriesenter@sageneset.no
Web: www.sageneset.no

Sinnes Fjellstue
Sinnes, 4443 Tjørhom Tlf: 90708457
E-post: post@sinnesfjellstue.no
Web: sinnesfjellstue.no

Sira-kvina kraftselskap
Pb 38, 4441 Tonstad, tlf 38 37 80 00
E-post: post@sirakvina.no
Webadresse: www.sirakvina.no

Sirdal Regnskapslag
Postboks 113, 4441 Tonstad
tlf 38377490, e-post: post@srlag.no,
Web: ww.srlag.no

Sirdalshytta
Postboks 143, 4441 Tonstad
tlf 38377880
e-post: post@sirdalshytta.no

Sirekroks Landhandel
Omli, 4440 Tonstad, tlf 38371857

Sparebank 1 SR-Bank
Pb 24, 4441 Tonstad, tlf 02002
tom.leif.rusdal@sr-bank.no /
astri.ousdal@sr-bank.no www.sr-bank.no

Tonstad Bakeri
Ytregarden 12, 4440 Tonstad
tlf 38370114, e-post: bagaren@online.no

Tonstad Foto og Papir
Josdalsv 2, 4440 Tonstad
tlf 38370455, e-post: tonfot@online.no

Tonstadli ferie, kurs og misjonssenter
Litleli 45, 4440 TONSTAD
Tlf 38377480 Mob. 918 61 534
www.tonstadli.no

Kyrkjesenteret i Sirdal

Besøksadresse: Tonstadvegen 25
Postadresse: Pb 133, 4441 Tonstad
www.sirdal.kyrkja.no

Telefon:38371600
Telefaks:38371601

Sokneprest Sigurd Flydal:
prest@sirdal.kyrkja.no/45248536

Kyrkjevevje Per Øistein Rogstad:
pr@sirdal.kyrkja.no/41457584

Kyrkjelydsarbeidar Ragnhild Maria Sandvik
rms@sirdal.kyrkja.no/93652713

Kyrkjelydsarbeidar Inger Solveig Høyland
ish@sirdal.kyrkja.no/95202865

Organist Hanne Birgitte Fodstad
organist@sirdal.kyrkja.no/97678368

Haughom kapell:
Dah May Htoo, reinhaldar

Tonstad kyrkje:
Tone Marit Bjørnstad, kyrkjetenar og reinhaldar

Lunde kyrkje:
Karl Edvald Fjeldsaa, kyrkjetenar
Gunn Siri Ousdal, reinhaldar

Kvævemoen kapell:
Katarzyna Kazimera Sochacka, reinhaldar

Sirdal sokneråd
Arnhild Bjørndal, leiar, tlf 92623265
Johannes Tjørhom Hompland
Svein Arnfinn Hompland
Inger Johanne Ousdal, nestleiar
Kent Henrik Seland
Velaug Ådneram.

Vara: Ingunn Berstad Tonstad
Karen Solveig Tonstad
Stein Bergsåker

Slekters gang

Døypete

Lunde kyrkje
30.09 Cindy Bjordal

Tonstad Kyrkje

16.9 Finja og Leoni Bøhland
14.10 Tobias Josdal
Levi Skregelid
Jonas Ovedal

Vigde

Kvævemoen kapell
29.9 Hilde Marie Hadland og Morten
Alexander Almås

Gravferder

Kvævemoen kapell
25.9 Aud Bodil Wik

Haughom kapell
26.7 Sigurd Ovedal

Tonstad kyrkje

17.8 Johanne Josdal
7.9 Sigurd Rostøl
10.9 Tonny Gulovna Vatnedal
4.10 Solveig Thorbjørg Ousdal



Tveit og Tjomlid

Alt i graving, sprenging og
massetransport.

Oftedal, 4440 Tonstad
mob 915 13 408

E-post: post@oftnb.no



Landes Begravelses- byrå as

Når du trenger oss

Døgnvakt tlf.

90098006



*Elveg. 15 4400
Flekkefjord
tlf. 38 32 1122*

Velkomen til Kyrkje



11. november kl 11.00
24. *sundag i treeiningstida*
Lunde kyrkje
Gudsteneste. Nattverd.
Offer til Kirkens SOS

Laurdag 17. november
kl 15.00
Kulturhuset
Barnas dag. Konsert med fleire
barnekor. Ansiktsmaling.
Andre aktivitetar. Sal av mat.

18. november kl 11.00
25. *sundag i treeiningstida*
Tonstad kyrkje
Familiemesse. Barn i Guds tid.
Barneketret, Cantarellene og
Vardeneset barneketret.
Offer til V-A sundagsskulekrets

Onsdag 21. november kl
19.00
Tonstad kyrkje
Konsert med Bodil Arnesen og
Paal André Grindrud.
Tema: Takksemd
Fri entré

2. desember kl 11.00
1. *sundag i advent*
Lunde kyrkje
Gudsteneste
*Offer til misjonsprosjekt i
Aserbajdsjan, Normisjon*

2. desember kl 17.00
1. *sundag i advent*
Tonstad kyrkje
Adventsamling
Kor og korps
Offer til Redd Barna

Tysdag 4. desember kl.
18.00
Kvævemoen kapell
Adventsamling
Kor, konfirmantar og SMOK
Offer til Menneskerettsfondet

Torsdag 13. desember kl
19.00
Tonstad kyrkje
Julekonsert med Torstein Sø-
dal, Maria Arredondo og Kim
André Rysstad saman med
Revelation og Sirdal Blanda-
kor.

16. desember kl. 11.00
3. *sundag i advent*
Tonstad kyrkje
Gudsteneste. Nattverd
Offer til Det Hvite Bånd

16. desember kl. 19.00
3. *sundag i advent*
Haughom kapell
Lysmesse. Konfirmantar.
Offer til Menneskerettsfondet

Torsdag 20. desember kl
19.30
Tonstad kyrkje
Vi syng jula inn.
Sirdal Blandakor
Allsong

24. desember kl 14.00
Julaften
Kvævemoen kapell
Familiegudsteneste
Offer til Kirkens Nødhjelp

24. desember kl 16.00
Julaften
Tonstad kyrkje
Familiegudsteneste
Offer til Kirkens Nødhjelp

25. desember kl 11.00
1. *Juledag*
Tonstad kyrkje
Høgtidsgudsteneste
*Offer til Misjonsprosjekt i Paris,
NMS*

30. desember kl 17.00
Kvævemoen kapell
Julefest i for store og små.

31. desember kl 23.00
Nyttårsaftan
Tonstad kyrkje
Felleskristeleg gudsteneste.
Offer til Syskenringen i Sirdal

1. januar kl 11.00
Nyttårsdag
Sirdalsheimen
Gudsteneste
Offer til kyrkjelydsarbeidet

6. januar kl 11.00
Kristi openberringsdag
Haughom kapell
Gudsteneste
*Offer til Misjonsprosjekt i Paris,
NMS*

20. januar kl 11.00
3. *sundag i openberringsstida*
Tonstad kyrkje
Gudsteneste m/nattverd
Offer til Israelsmisjonen

Laurdag 26. januar kl 17.00
Laurdag før såmannssundag
Kvævemoen kapell
Familiegudsteneste
Offer til Bibelselskapet



Kultur

KALENDER



www.sirdal.kommune.no

Tlf. 38 37 90 00

KULTURMÅNADEN NOVEMBER

TORS DAG 8. NOVEMBER:

VISE- OG LYRIKKVELD M/ELIN FURUBOTN MFL.
SIRDAL KULTURHUS KL. 20:00 (CAFÉ KL. 19:00) / KR 200

FREDAG 9. NOVEMBER:

TEATER: TESKJEKJERRINGAS JULESTRID
SIRDAL KULTURHUS KL. 18:00 / ENTRÉ KR 200 (V) 160 (B)

SUNDAG 11. NOVEMBER:

OPNING KUNSTUTSTILLING: ELEVTEIKNINGAR
GALLERI EXCLUSIVE ART, ESPETVEIT KL. 12:00 - 18:00

SUNDAG 11. NOVEMBER:

KINO: REISEN TIL JULESTJERNEN
SIRDAL KINO KL. 18:00 / ENTRÉ KR 80 / REGI: NILS GAUP

TYS DAG 13. NOVEMBER:

KONSERT: SECRET GARDEN - WINTER POEM
SIRDAL KULTURHUS KL. 20:00 / ENTRÉ KR 290

TORS DAG 15. NOVEMBER:

HAUSTSPRELL MED SIRDAL KULTURSKULE
SIRDAL KULTURHUS KL. 18:00 / ENTRÉ: FRI

FREDAG 16. NOVEMBER & SUNDAG 18. NOVEMBER:

KINO: THE TWILIGHT SAGA: BREAKING DAWN 2

KULTURMÅNADEN NOVEMBER

LAUR DAG 17. NOVEMBER:

BARNAS DAG V/KYRKJA
SIRDAL KULTURHUS FRÅ KL. 15:00

SUNDAG 18. NOVEMBER:

BARN I GUDS HUS V/KYRKJA
TONSTAD KYRKJE KL. 11:00

TYS DAG 20. NOVEMBER:

TEMAKVELD: OM KULTURKOLLISJONAR
FORFATTERBESØK - STEINAR TJOMLID
SIGBJØRN K. HUSET KL. 19:00 / ENTRÉ: FRI

ONSDAG 21. NOVEMBER:

KONSERT: BODIL ARNESEN & PAAL ANDRE
GRINDERUD TONSTAD KYRKJE KL. 19:00

FREDAG 23. NOVEMBER:

KONSERT: "FAT 50's"
SIRDAL FJELLMUSEUM KL. 20:00 / ENTRÉ KR 200

LAUR DAG 24. NOVEMBER:

ROCKEKONSERT: "TEMPEST"
SIRDAL KULTURHUS KL. 21:00 - RUSFRITT ARRANGEMENT
ROCKEQUIZ KL. 20:00 / KR 50

TYS DAG 27. NOVEMBER:

TEMAKVELD: FOTOGRAFI FRÅ T. DAHL
SIGBJØRN K. HUSET KL. 19:00 / ENTRÉ: FRI

KVA SKJER I DESEMBER:

LAUR DAG 1. DESEMBER:

KINO: MED TREKSPILL TIL OPERAEN
SIRDAL KINO KL. 15:00 / ENTRÉ KR 80 / 60

SUNDAG 2. DESEMBER:

ADVENTSSAMLING - TONSTAD
ELIASTUNET KL. 16:00 / TONSTAD KYRKJE KL. 17:00

TYS DAG 4. DESEMBER:

ADVENTSSAMLING - KVÆVEN
FJELLMUSEET KL. 17:30 / KAPELLET KL. 18:00
ETTER SAMLING I KAPELLET ER DET ADVENTSKOS
PÅ FJELLMUSEET

ONSDAG 12. DESEMBER & SUNDAG 16. DESEMBER:
KINO: HOBBITEN - EN UVENTET REISE (3D)
SIRDAL KINO KL. 19:00 / ENTRÉ KR 100

TORS DAG 13. DESEMBER:

JULEKONSERT: TORSTEIN SØDAL, MARIA
ARREDONDO, KIM ANDRE RYSSSTAD
- SAMAN MED LOKALE KOR -
TONSTAD KYRKJE KL. 19:00 / ENTRÉ: 295 (V) 200 (B)

ONSDAG 26. DESEMBER:

UNGDOMSLAGET ARRANGERER:
2. JULEDAGSFEST I KULTURHUSET
SIRDAL KULTURHUS - FOR MEIR INFORMASJON, SJA
SIRDAL UNGDOMSLAG PÅ FACEBOOK

SIRDAL KOMMUNE - EINING FOR KULTUR OG FRITID - RÅDHUSET - 4440 TONSTAD - www.sirdal.kommune.no

BOKLOPPESAL

KULTURHUSET 3. NOV - 30. NOV

Biblioteket har hatt ei stor opprydding i hyllene sine. Me har mange utgåtte bøker som no vert lagt ut for sal.

I kulturhuset (foajé) vert det bokloppesal heile november månad. Ta turen innom å sjå om du finn boka du har leita etter lenge eller andre spennande bokskattar!



Bokloppesalet er ope frå måndag til fredag kl. 07.00 - 15.00 i perioden 3. til 30. november.



Lokale "skodespelarar" i filmen: Anders Løyning og Jan Inge Bakken. Bilete er frå årets filmfestival i Haugesund. Foto: Sirdalen Avis.

KINO: MED TREKKSPILL TIL OPERAEN

LAURDAG 1. DESEMBER KL. 15.00

Om filmen: Det heile starta med ein førespurnad om å underhalda på ein lokal festival og har utvikla seg til eit fenomen som samlar fulle hus land og strand.

Dei har hatt eventyrlig suksess, både i Noreg og utanlands. Dette er eit møte med entusiastiske trekkspelarar som ikkje kan forstå kvifor dei ikkje skulle få lov å spela i Operaen. Dei er tradisjonsberarar som dyrkar den gode musikken frå 50- og 60-tallet. Dei er kulturberarar av ein kultur som absolutt ikkje har gått ut på dato, og som står i sterk kontrast til ein meir urban kulturforståelse. Det tok tolv år før dei fekk gjera entré på scena i Bjørvika og stemninga var høg då trekkspelarane endeleg fekk innta scena i finkulturens høgberg i hovudstaden.

Sirdal komm. kino ønskjer alle møtt til kulturhuset kl. 14.00 til hyggeleg samvær, det vert sal av kaffi + kaffimat i forkant av filmen. Filmen byrjar kl. 15.00

Billettpris: Ordinær kr. 80 / Honnør kr. 60



TESKJEJERRINGAS JULESTRI'

FREDAG 9. NOVEMBER KL. 18:00

Vel møtt på teater: Teskjejerringas Julestri' - basert på Alf Prøysen sine tekstar og songar.

Ein kan aldri starte for tidleg med førearbeid til jul, seier Teskjejerringa. Ho tykkjer det er like stas å stelle til jul som å feire sjølve høgtida. Mannen hennar tykkjer det kan vera litt stress med alt maset, og meiner dei kan gjera slik som mange andre og reise til Syden i jula. Men Teskjejerringa held på sitt, og saman inviterer dei til ei hyggeleg lita førjulssamling. Premiering av teiknekonkurransen (leveringsfrist 1. nov på biblioteket) før forestillinga, ca kl. 17:30

Dette er eit underholdande interaktiv teater for heile familien, forestillinga varer om lag 50 min. Billettkjøp: www.sirdal.kommune.no





Sigbjørn K. huset

Fredag 28. september var det offisiell opning av Sigbjørn K. huset. Eining for kultur vil no oppmode alle innbyggjarar til å nytte seg av huset til møter, mindre arrangement og aktivitetar.

Huset skal fungere som arena for ulike aktivitetar: møtelokale (politiske gruppe, bedriftar, lag/foreiningar), mindre arrangement (t.d. foredrag, forfattarbesøk, intinkonsert) og utstillingslokale (kunstutstilling, sal av husflidsprodukt m.m.).

Me vil oppmode alle til å bruke huset, ta kontakt med oss dersom du/ ditt lag og foreining/ din bedrift ønskjer å leige det.

Me har no ei flott fotoutstilling i huset, med bilete frå rosemålinga i Tonstadbua. (Denne bua sto tidlegare i hagen her, den er no ein del av samlinga til Vest-Agder Fylkesmuseum).



TEMAKVELD - TYSDAG 20. NOV: OM KULTURKOLLISJONAR

Me får besøk av Steinar Tjomlid som skal fortelja om sitt møte med Afrika - små finurlege historie om kulturkollisjonar.

Når menneske med ulik kulturell bakgrunn treffes, så kan det i mange tilfelle oppstå "kollisjonar". Mange av desse situasjonane kan vera morosame, samstundes som dei opnar opp og gjev forståelse for ulikhetar.

Arrangementet byrjar kl. 19:00 og alle er vel møtt. Det vert enkel servering og tid til gode samtale kring temaet.

TEMAKVELD - TYSDAG 27. NOV: FOTOGRAFI FRÅ T. DAHL

Frå biletsamlinga til fotograf T. Dahl så er det mange bilete me ikkje har funne opplysningar til. Mange av desse bileta vil me vise fram på storskjerm i Sigbjørn K. huset, tysdag 27. november, og me håper at publikum kan hjelpe oss med nye opplysningar.

Me har gjort eit utval frå samlinga som skal vise litt av mangfaldet til T. Dahl, og det er bilete frå m.a. Øksendal, Virak og Tonstad. Arrangementet byrjar kl. 19:00 og alle er vel møtt! Enkel servering.

VISE OG LYRIKKVELD:
ELIN FURUBOTN
SVEIN TANG WA
GUNNAR ROALDKVAM

TORS DAG 8. NOVEMBER

Vise- og lyrikkveld i Sirdal kulturhus med Svein Tang Wa, Gunnar Roaldkvam og Elin Furubotn.

Denne flotte trioen skal framføre gamle og nye dikt og songar. Alt er på norsk og på deira eiga dialekt. Elin Furubotn er oppvaksten på Tonstad og ho tykkjer det er ekstra stas å kome "heim att" til Sirdal. Entré kr. 200,-

Program for kvelden:
 Kl. 19:00 Café med forfriskingar
 Kl. 20:00 Vise- og Lyrikkveld

Elin Furubotn har gitt ut sitt femte album, *Heilt ny vei*, som har fått strålende kritikkar.

Svein Tang Wa er visesongar, biletkunstnar og poet. Han er utdanna grafikar og har gitt ut seks musikkalbum.

Gunnar Roaldkvam er forfattar og historikar. Han har gitt ut fleire diktsamlingar og fagbøker. Han har òg skrive songtekstar til m.a. Vamp og Sigvart Dagsland.



Elin Furubotn



KINO - 11. NOVEMBER:
REISEN TIL
JULESTJERNEN

Fleire generasjonar har *Reisen til Julestjernen* som sin store julefilm. Sverre Brandts skodespel hadde urpremiere andre juledag 1924. Sidan den gong har historien om Sonja som jaktar på julestjerna blitt veldig populær, både i inn- og utland og er ein tidlaus klassikar. No kjem det ei ny filmatisering av den kjende og kjære historien til glede for nye generasjonar. Regissør er Nils Gaup. Sirdal kino kl. 18:00



Biletkunstnaren Elena Abessinova er svært nøgd med kunstprosjektet med skuleelevar i Sirdal. Ho er imponert over kor flinke mange av elevane er, og over den kreativiteten som fins. Ho håper mange vil ta turen til Espetveit for å sjå på elev-utstillinga.

KUNSTUTSTILLING:
BILETKUNST FRÅ ELEVAR
FRÅ KUNSTPROSJEKT V/ELENA ABESSINOVA

Skulane i Sirdal har nyleg gjennomført eit kunstprosjekt med biletkunstnaren Elena Abessinova, som bur på Espetveit. Prosjektet er ein del av arbeidet med *Den Kulturelle Skulesekken* - kor målet er å gje alle elevar eit møte med profesjonell kunst.

Elevar frå ungdomsskulen på Tonstad og Sinnes har vitja Elena i hennar atelier. Dei har fått innføring i korleis ein biletkunstnar arbeidar og dei har alle laga sitt eige måleri.

Desse måleria vert utstilt på galleri Exclusive Art Espetveit veke 46. Me vil oppmode alle til å koma for å sjå denne spennande utstillinga. Du kjem til å bli imponert over kor mange unge talent me har i dalen!

Vel møtt til opninga Laurdag 10. november - då er det ope mellom kl. 12:00 og 18:00, fri entré. Elles er det ope sundag 11 - fredag 16. november kl. 14:00 - 19:00. Entré kr. 50. Sal av enkle matretter er det òg.

KONSERT:

SECRET GARDEN -WINTER POEM-

Tysdag 13. november kl. 20:00
Sirdal kulturhus

Det byrjar å bli nokre år sidan duo-
en Secret Garden (Rolf Løvland og
Fionnuala Sherry) vant den inter-
nasjonale finalen i Eurovision Song
Contest - med den vakre melodien
Nocturne. Ein må heilt tilbake til
1995. Denne sigeren var byrjinga
på eit fantastisk musikalsk eventyr
med turné og konsertar, både i inn
- og utland.

Secret Garden har i løpet av desse
åra gitt ut 8 album og har solgt
nærare fire millioner av desse.
Deira store hit "You Raise Me Up"
er spelt inn i meir enn 500 ulike
versjonar, deriblant av artistar som
Josh Groban og Westlife.



Secret Garden si besetning på
denne turnéen (Winter Poem)
består av bass, gitar, trommer og
fløyte, samt ein vokalist - i tillegg
til Fionnuala Sherrys brillante
fiolin og Rolf Løvland på piano -
God fornøyelse!



*"Etter halvannen time med Secret Garden føler jeg meg oljet og salvet i sjel og sinn, så alt som måtte være
vrient og vanskelig, bare er en fjern erindring. Harmoni er et nøkkelord". -Fædrelandsvennen terningkast 6*

KONSERT - 24. NOVEMBER:

TEMPEST SIRDAL KULTURHUS

Tempest består av 4 stk i alderen 18 år frå
Flekkefjord og Kvinesdal. Bandet går på
musikklinja i Vågsbygd. Gjengen har klassifi-
sert seg som en ny vri på klassisk tungrock,
m/ innslag av metall og sterk kvinnelig vokal.

Vel møtt til kulturhuset:

RockeQuiz kl. 20:00
Konsertstart kl. 21:00
Entré kr. 50,-

Arrangementet er rusfritt.



KONSERT - 23. NOVEMBER:

FAT 50'S SIRDAL FJELLMUSEUM

Fat 50's gleder seg til å besøke Kvæven igjen.
Denne gong har dei tatt utgangspunkt i mu-
sikk frå sun records, atlantic, chess og RCA.
Dei byr på det beste av klassikarane frå 50 og
60 talet. Ta med deg rockefoten og kom! Kon-
serten er kl. 20:00 og entré er kr. 200,-



*Fat 50's består av frå venstre: Kaare H. Lauridsen (gitar og vokal), Cato Svindland
(slagverk), Sven Erik Printz (keyboard og vokal), Thomas Andersen (bass).*




HAUSTSPRELL MED SIRDAL KULTURSKULE

Torsdag 15. november er det *Haustsprell* med elevar
frå Sirdal kulturskule. Denne kvelden får publikum sjå
unge og talentfulle sirdølar på scenen. Det vert eit full-
spekka program med song, musikk, biletkunst, dans
m.m. SMoK ønskjer alle vel møtt for å sjå det fargerike
mangfaldet av talent som fins hjå elevane! Kl. 18:00 /
Fri entré

KINO - 12 OG 16. DESEMBER:
HOBBITEN
- EN UVENTET REISE 3D

Frå filmskaparen Peter Jackson kjem no "Hobbiten: En uventet reise", den fyrste filmen i ein trilogi som bygger på det store meisterverket "Hobbiten" av J.R.R. Tolkien.

Filmen kan du sjå på Sirdal komm. Kino den 12. og 16. desember, begge dagar kl. 19:00.



**KULTURPRIS OG
BYGGESKIKKPRIS**

Frist for å melde inn kandidatar til Kulturpris og Byggeskikkpris 2012 er:

Fredag 30. november

Namn på kandidat + grunngjeving kan sendast inn til: Sirdal kommune, Rådhuset, 4440 Tonstad eller på E-post til: post@sirdal.kommune.no

Jul i sør
Sørlandets egen julekonsert

3 av Noregs flottaste stemmar gjev deg årets mest stemningsfulle julekonsert: Torstein Sødal, Maria Arredondo og den kritikkroste kvedaren frå Setesdal, Kim André Rysstad. Turneen "Jul i Sør" er basert på Sødals juleplate med same tittel, og inneheld tradisjonsrike songar, i ein elegant innpakning. "Sødal tok publikum - ikkje med storm - men med orkan styrke, då han framførde O helga natt - det endte med ståande og rungande applaus i fleire minuttar." Billettsal: www.billettservice.no

JULEKONSERT I TONSTAD KYRKJE:

TORSTEIN SØDAL, MARIA ARREDONDO OG KIM ANDRE RYSSTAD
+ DELTAKING FRÅ LOKALE KOR: BLANDAKORET OG UNGDOMSKORET REVELATION



TORSdag 13. DESEMBER
KL. 19:00

ENTRÉ KR. 295 (V) 200 (B)

Kyrkje og kultur i Sirdal 23



Frå fotograf T. Dahl si skattekiste:

Det er fleire bilete i samlinga til T. Dahl som ein ikkje har funne opplysningar til.
Kjenner du att personane på desse bileta, eller har du anna informasjon?

Då kan du ringe inn til oss på kulturkontoret, tlf.: **38 37 90 70** eller sende ein
E-post til: gko@sirdal.kommune.no



Fotograf T. Dahl
Tønnes Andreas Jonassen
Øksendal (1884 - 1979)

Han var sjølvlærd som fotograf.
Mykje av utstyret til framkalling
og kopiering laga han sjølv.
Den store samlinga av fotografi
inneheld m.a. portrett, veg-
arbeid, bryllaup og gravferd.